

## **II БОБ. УМУМИЙ МАЪЛУМОТЛАР**

### **1. Танлаш предмети**

Танлаш комиссияси ўз фаолиятини Ўзбекистон Республикасининг “Давлат харидлари тўғрисида”ги Қонуни, 2020 йил 10 январдаги Ўзбекистон Республикаси Вазирлар Маҳкамасининг 16-сонли карори билан тасдикланган “Ўзбекистон Республикаси Соғликни сақлаш вазирлиги тузилмасидаги ташкилотларда аутсорсинг хизматлари кўрсатиши тартиби тўғрисида”ги Низоми ва давлат харидлари соҳасидаги бошқа қонунчилик ҳужжатлари талабларига асосан амалга оширади.

#### **Танлашни ташкил килишнинг асосий мақсадлари қўйидагилар:**

Танлашни ўтказиш онлайн усулда бўлиб, маблағ манбаси: Бюджетнинг ғазначиликдаги тегишли шахсий газна хисоб вароғидаги маблағларидан ажратилган РШТЁИМТВФнинг иссик овкат етказиб бериш аутсорсинг хизмати юзасидан энг яхши таклифларни танлаш ўтказиш кўзда тутилган.

**2 Тўлов шартлари:** шартнома кучга кирганидан сўнг 30 фойз микдорида олдиндан тўловни амалга оширилади ва товар етказиб берилганидан (иш бажарилгандан, хизмат кўрсатилганидан) сўнг қолган 70 фойзи тўлаб берилади.

Товар (иш, хизмат) нархи учун жавобгарлик давлат буюртмачисининг зиммасида бўлади.

Танлашга қўйилган товарнинг (хизматнинг, ишнинг) нархи қўшилган қиймат солиги билан.

Ишлар танлаш ҳужжатларининг тижорат қисмида жойлашган талабларига биноан бажарилиши лозим.

### **2. Мазкур танлаш ҳужжатларида ишлатиладиган тушунчалар**

Маблағ манбаси: Бюджетнинг ғазначиликдаги тегишли шахсий газна хисоб вароғидаги маблағлари ҳисобидан РШТЁИМТВФнинг иссик овкат етказиб бериш аутсорсинг хизмати юзасидан энг яхши таклифларни танлаш буйича етказиб берувчи ташкилотни аниқлаш бўйича Танлаш (кейинги ўринларда – Танлаш) ўтказишдан мақсад – мазкур Танлаш ҳужжатлари талаблари асосида харид обьектини етказиб берувчи ташкилотни аниқлаш.

Танлаш ўтказиш тартиби – уч босқичли.

#### **Буюртмачи – РШТЁИМТВФ**

Манзили: Тошкент вилояти Зангиота туман Хонобод 5- уй

Танлашни ташкил этиш ва ўтказиш учун масъул шахс – Болтаев У.Б. харид комиссия котиби Сайдуллаева Д.С.

тел.: 71 231-93-79

### **3. Танлаш комиссиясининг вазифалари:**

- танлаш ўтказиш тартиб-қоидаларини белгилайди;
- белгиланган тартибда танлашни ўтказади;
- танлаш талабгорларига тааллуқли барча ҳужжатларни тақдим қилиш, муддатини узайтириш тўғрисида қарор қабул қилиш;
- танлаш ўтказиш санасини белгилаш;
- билдирилган таклифларнинг (тақдим этилган ҳужжатларнинг тўлиқлиги, уларнинг расмийлаштирилиши ва ҳоказо) мувофиқлигини текширади;
- талабгорлар томонидан тақдим этилган таклифларини кўриб чиқиша нархларнинг сунъий равишда оширилишини олдини олиш ва холисликка ҳамда қонун ҳужжатлари талабларига қатъий риоя қилиш;
- зарур ҳолларда комиссия фаолиятига мутахассис ходимлар жалб этилишини назарда тутиш;
- ғолиб деб топилган талабгорлар билан шартнома имзолаш бўйича таклиф беради.

**Танлашнинг ташкилотчиси** - Харид комиссияси котиби. Унинг вазифасига қуидагилар киради:

- танлаш хужжатлари ишлаб чиқилишини таъминлайди ва уларни ўрнатилган тартибда талабгорларга тақдим этади;
- танлаш ўтказилиши тўғрисида республика товар хом ашё биржасиннг <https://etender.uzex.uz/> порталида эълон беради;
- тижорат таклифларини баҳолаш мезонлари ишлаб чиқилишини таъминлайди.

#### **4. Техник ва тиҷорат таклифларни баҳолашда танлаш комиссиясининг вазифалари:**

-иштирокчиларнинг танлашга тақдим этилган молиявий хужжатларини ва нарх таклифларини ўрганади, таҳлил қиласи ва кўриб чиқади;

-энг яхши танлаш нарх таклифини аниқлайди, ғолибни аниқлайди ва карор қабул қиласи.

**Иштирокчи** - мулкчилик шаклидан қатъий назар, танлаш талабларида қўрсатилган товарларни етказиб бериш ва хизматларни кўрсатиш бўйича тажрибага эга бўлган ташкилотлар.

Иштирокчи:

- тақдим этилган маълумотлар ва хужжатларнинг хақиқийлиги ва тўғрилиги учун жавобгарликни ўз зиммасига олади;
- фақат битта таклифни тақдим этиш ҳуқуқига эга;
- тақдим этилган таклифни тақдим этиш муддати тугамагунча қайтариб олиш ёки ўзгартириш ҳуқуқига эга.

#### **5. Иштирокчига танлашда катнашиш учун қўйиладиган талаблар**

##### **5.1. Иштирокчилар қуидаги мезонларга мувофиқ бўлиши керак:**

- юридик шахс сифатида давлат рўйхатидан ўтганлиги;
- шартномани бажариш учун зарур техникавий, молиявий, моддий, кадрлар ресурсларининг хамда бошқа ресурсларнинг мавжудлиги;
- шартнома тузиш учун қонуний ҳуқуққа эгалик;
- солиқлар ва бошқа мажбурий тўловларни тўлаш бўйича муддати ўтган қарздорликнинг мавжуд эмаслиги;
- камида уч ойлик шартнома суммасига teng айланма маблағларга эга бўлиши;
- ўзига нисбатан жорий этилган банкротлик тартиб-таомилларининг мавжуд эмаслиги;
- инсофсиз ижрочиларнинг ягона реестрида қайд этилмаганлиги.
- танловда қатнашувчи корхона низомида озиқ-овқат махсулотларини тайёрлаш, қайта ишлаш ва сотиш хамда аутсорсинг хизмати бўйича ошхона хизматини ташкил этиш алоҳида қўрсатилган булиши керак.
- давогар аутсорсинг хизмати шу йуналишда bemorlar учун иссиқ-овқат етказиб бериш фаолиятини олиб борганилиги хамда тажрибага эга бўлиши керак.

-малакали ходимлар бўлиши шарт, ошпазлар хақида (диплом, разряд, сертификат, тиббий кўрикдан ўтганлиги, ташкилотда ишлаётганлиги тўғрисида буйруқдан кўчирма) маълумот.

-танлов иштирокчисининг хизмат кўрсатиш жараёнида жорий таъмирлаш ишларини амалга оширилиши бўйича маълумотнома.

-Тиббиёт бирлашмаси ошхонасида санитария қоидалари, нормалари ва гигена нормативларига мос шароит яратиш бўйича инвеститсион лойиха таклиф.

-тегишли ваколатли орган томонидан берилган танлаш талабларини амалга ошириш ҳуқуқини берувчи лицензияси, агар лицензияланадиган фаолият турига кирадиган бўлса.

-Давлат ташкилотлари томонидан саралаш босқичига тақдим этиш учун берилган ҳар бир маълумотномада талабгорнинг СТИРи кўрсатилган бўлиши ва танлаш эълон қилингандан сўнг олинган бўлиши ва асосий бенефициар мулкдорлари тўғрисидаги маълумотларни ошкор этиши шарт.

-иштирокчи ва унинг аффилланган шахси таклифларни танлаш бўйича айни битта лотда

иштирок этиш хуқуқига эга эмас.

-озиқ-овқат ва айрим тайёр маҳсулот ишлаб чиқариши мавжудлиги ҳамда инвестиция киритиш холатлари иштирокчига Ўзбекитсон Республикаси Вазирлар Махкамасининг 2020 йил 10-январдаги 16-сонли қарори талаблари бажарилиши бўйича устунлик хукукини беради. Танлов талабгори тақдим этилаётган маълумот ва хужжатларнинг хақиқийлиги ва тўғрилиги учун жавобгар бўлади. Танлов иштирокчилари томонидан энг паст нарх тақдим қилинишида юқорида кўрсатиб ўтилган талабларнинг мавжудлиги инобатга олинади. Юқоридаги талаблар бажарилмаган тақдирда паст нархда хизмат кўрсатиш, иштирокчиларга ғолиб деб баҳолаш имкониятини бермайди. Конкурс иштирокчисини 1-10 гача балл қўйиб баҳоланади. Юқори балл тўплаган давогар танлов ғолиби хисобланади.

ИЗОХ: Лозим топилганда комиссия иштирокчилари томонидан танлов иштирокчиларини молиявий холатини ва иш фаолиятинин ўрганиб чиқади.

5.2. Иштирокчи танлаш таклифларини тайёрлаш ва тақдим этиш давомида сарфланган барча молиявий харажатларни ўз ҳисобидан қоплайди.

5.3. Танлашда ғолиб чиқсан тақдирда буюртмачи билан шартнома тузади.

**Танлаш ғолиби** – таклифларни баҳолаш якунлари бўйича танлашда энг яхши таклифни таклиф қилган танлаш иштирокчиси.

**Захирадаги иштирокчи** – танлаш ғолибидан кейинги ўринда турган энг яхши таклифни таклиф қилган иштирокчи.

5.5. Танлашга қуйидаги иштирокчилар қўйилмайди:

- шартномани бажариш учун зарур техникавий, молиявий, моддий, кадрлар ресурсларининг ҳамда бошқа ресурслари мавжуд бўлмаган;
- шартнома тузиш учун қонуний хуқуқка эга бўлмаган;
- инсофсиз ижрочиларнинг ягона рўйхатида бўлган;
- имтиёзли солик режимини таъминлайдиган ва/ёки молиявий операцияларни (оффшор зоналар) амалга оширишда маълумотни ошкор қилиш ва тақдим этишни назарда тутмайдиган худудларда рўйхатдан ўтган ва банк ҳисоб рақамларига эга бўлган;
- аввал имзоланган шартномалар бўйича келишилган мажбуриятларни ўз муддатида бажармаган;

Буюртмачи қуйидаги ҳолларда иштирокчини харид тартиб-таомилларида қатнашишдан четлаштиради, агар:

- иштирокчи бевосита ёки билвосита мижознинг ҳар қандай амалдаги ёки собиқ мансабдор шахсини ёки ходимини ёки бошқа давлат органининг ҳар қандай шаклда маблаг, иш таклифини ёки бошқа ҳар қандай қимматбаҳо буюмларни ёки хизматларни таклиф қилиши, бериши ёки беришга рози бўлганлиги - ёки харидорнинг давлат харидлари жараёнида ҳаракатлари юзасидан қарор қабул қилиши ёки ҳар қандай рақобат тартибини қўллаши;

- иштирокчи қонунга хилоф равишда адолатсиз рақобат устунлиги ёки манфаатлар тўқнашувига эга бўлса.

## **6. Танлаш доирасида хужжатларнинг махфийлигини таъминлаш**

6.1. Тушган таклифларнинг кўриб чиқилиши, уларнинг танлаш комиссияси аъзолари томонидан баҳоланиши тўғрисидаги ахборот махфий ҳисобланади ҳамда танлаш тартиб-коидасига расман алоқадор бўлмаган шахсларга маълум қилинмайди. Танлаш комиссияси аъзолари мазкур ахборот ошкор қилинганлиги учун қонун хужжатларида белгиланган тартибда жавоб берадилар.

## **III БОБ ТАНЛАШ ХУЖЖАТЛАРИ**

### **7. Танлаш хужжатининг таркиби**

7.1. Танлаш иштирокчиси унга берилган танлаш хужжатини ва шу билан бирга барча кўрсатмалар, шакллар, шартлар ва техник тафсилотларни тўлиқ ўрганиб чиқиши шарт.

7.2. Танлаш хужжатларида кўрсатиб ўтилган барча талаб қилинган маълумотларни

бермаслик ёки таклифнинг танлаш ҳужжатлари талабларига тўлик тўғри келмаслиги, таклифнинг қабул қилинмаслигига олиб келади.

### **8. Танлаш ҳужжатларига аниқлик киритиш**

8.1. Ҳужжатларни тақдим этиш муддати тамом бўлгунга қадар Иштирокчи танлаш ҳужжатларига қандайдир аниқлик киритиш учун танлаш комиссиясига ёзма равишда мурожаат қилишлари мумкин:

8.2. Танлаш комиссияси талабгорнинг сўровига қўра Танлаш таклифларини тақдим этишининг сўнгги муддатидан камида 3 кун олдин сўров манбасини кўрсатмаган ҳолда танлашнинг барча иштирокчиларига мажбурий тартибда жавоб юбориб, танлаш ҳужжатларининг моҳияти ёки мазмуни билан боғлик саволга ёзма жавоб бериши шарт.

### **9. Танлаш ҳужжатларига ўзгартириш ва қўшимчалар киритиш**

9.1. Таклифларни тақдим этиш муддати тамом бўлгунга қадар камида 3 кун олдин танлаш комиссиясининг комиссия қарорига мувофиқ талабгорларга маълум қилиб, таклифга тузатиш киритиш учун етарли бўлган вақт берган ҳолда, унинг муддатини узайтириб, танлаш ҳужжатларига ўзгартириш ва қўшимчалар киритишга ҳақлидир.

## **IV БОБ. ТАНЛАШ ҲУЖЖАТЛАРИНИ ТАЙЁРЛАНИШИ**

### **10. Танлашда қатнашиш харажатлари**

10.1. Танлашда иштирок этиш ва танлаш ҳужжатини тайёрлаш билан боғлик бўлган барча харажатлар иштирокчининг маблаглари ҳисобидан амалга оширилади.

10.2. Нарх таклифидан кўрсатилган нарх танлаш таклифи нархи ҳисобланади.

10.3. Танлаш таклифи нархи миллий валюта - сўмда тўланиши лозим.

10.4. Маҳсулот (хизмат, иш) нархи(таклиф)га барча харажатлар, яъни солик ҳамда бюджет ва бюджетдан ташқари жамгармаларга мажбурий тўловлар киритилади.

10.5. Иштирокчи томонидан белгиланган нархлар маҳсулотни етказиб бериш (хизматларни кўрсатиш) мажбуриятларини охирига етказилмагунга қадар ўзгартирилмайди (танлаш комиссиясининг нархларни тушириш бўйича музокаралар олиб бориш натижасида ўзгартиришлар киритилиши мумкин).

10.6. Нархларнинг ошишига қараб ўзгартириладиган нархларни кўзда тутувчи танлаш таклифлари исталган босқичда, танлаш талабларига жавоб бермайди деб каралади ва танлаш комиссияси томонидан кўриб чиқилиши рад этилади.

### **11. Танлашда қўлланиладиган тил**

11.1. Иштирокчилар томонидан берилаётган таклифлар, Буюртмачи ва иштирокчи ўргасидаги хатлар ва барча тегишли ҳужжатлар ўзбек тилида тайёрланади.

### **12. Муқобил таклифлари**

12.1. Паст техник (функционал) кўрсаткичларга эга бўлган маҳсулот (хизмат) кўринишида берилган танлаш таклифлари кўриб чиқилмайди.

### **13. Танлаш таклифларини топширишнинг охирги муддати**

13.1. Иштирокчиларнинг танлаш таклифлари электрон савдо платформасида эълон берилган кундан бошлаб 5 иш кундан кечикмасдан электрон жойлаштириллади (шанба, якшанба дам олиш куни этиб белгиланади).

## **V БОБ. ТАНЛАШ ТАКЛИФЛАРИНИ БАҲОЛАШ ВА ҒОЛИБЛАРНИ АНИҚЛАШ ТАРТИБИ**

#### **14. Танлаш таклифларини баҳолаш ва ғолибларни аниклаш**

14.1. Танлаш комиссияси танлаш таклифларини техник, ташкилий-молиявий ва тижорат жиҳатдан баҳолаш танлаш комиссияси аъзолари томонидан амалга оширилади.

14.2. Танлаш таклифларини баҳолаш икки босқичдан иборат:

- техник, ташкилий-молиявий;
- тижорат.

14.2.1. Танлаш таклифларини баҳолаш вақтида Танлаш комиссияси танлаш иштирокчисидан унинг танлаш таклифлари борасида тушунтиришлар беришини сўраши мумкин.

14.2.2. Иштирокчиларнинг тижорат таклифларини барча учун тенг шартлар асосида ўтказиш мақсадида уларнинг танлаш таклифларини баҳолашда, сифатли маҳсулот етказиб беришдан (хизмат кўрсатишдан, иш бажаришдан) иборат бўлган танлаш таклифлари бўйича қонунчилик асосида қўшимча қўшилган қиймат солиги тўловчилари томонидан солик суммаси киритиб ҳисоб қилинади.

14.3. Танлаш иштирокчиларининг таклифларини молиявий баҳолаш, тижорат таклифларни баҳолаш мезони асосида аникланади.

14.4. Танлаш таклифларини қараб чиқиши муддати 10 кундан ошмайди.

#### **15. Таклифларнинг мое келмаслиги**

15.1. Таклифларни баҳолашда, товар (хизмат, иш) нархи билан бирлик нархи ва сонини кўпайтириш натижасида олинган якуний нарх ўртасида номувофиқлик мавжуд бўлса, товар (хизмат, иш) нархи устунлик қиласидиган, умумий нархга тузатиш киритиладиган қарор қабул қилиши мумкин. Агар сўзлар билан ёзилган сумма (нарх) билан рақамда кўрсатилган сумма (нарх) ўртасида номувофиқлик мавжуд бўлса, у ҳолда сўзлар билан ёзилган сумма (нарх) устунлик қиласи.

15.2. Танлаш қуйидаги ҳолларда бўлиб ўтмаган деб эълон қилинади:

тегишли лот бўйича танлаш таклифларини тақдим этишнинг энг охирги муддатигача таклиф тушмаса ёки факат битта таклиф тушса;

барча танлаш таклифлари танлаш хужжатларига қўйиладиган талабларга мувофиқ бўлмаса;

барча танлаш таклифларида танлаш хужжатлари шартлари билан талааб қилинадиган хужжатлар мавжуд бўлмаса;

барча иштирокчиларнинг таклиф этган нархлари товарнинг бошлангич қийматидан анча юкори бўлса.

15.3 Танлашнинг бўлиб ўтмаган, деб эълон қилиниши танлаш иштирокчиларидан бирон-бирининг мулкий ёки бошқа жавобгарлигига олиб келмайди.

## **VI БОБ. ТИЖОРАТ ҚИСМИ**

## **Тижорат таклифлари баҳоси ва уни белгилаш тартиби**

1.1. Хизмат кўрсатувчи ташкилотлар талаб қилинган маҳсулотлар учун нархларини ўзларинг ички имкониятларидан келиб чиқиб белгилайди. Барча талаб қилинган хизматлар учун эҳтиёт кисмлар “Хизмат кўрсатувчи” ташкилот томонидан тўлиқ қопланади.

1.2. Маҳсулот (хизмат, иш) баҳоси (таклиф)га жумладан танлаш, солиқлар, бюджет ва нобюджет жамғармаларга мажбурий тўловлар бўйича харажатлар кўшилиши лозим.

1.3. Иштирокчи томонидан ўрнатилган баҳолар етказиб беришни (хизмат кўрсатишни, иш бажаришни) тўлиқ амалга ошириш даврига белгиланиб, ўзгартирилиши мумкин эмас.

1.4. Қайси боскичда бўлмасин, баҳони кўтаришга йўналтирилган танлаш таклифлари танлаш савдолари талабларига жавоб бермайдиган ҳисобланиб, танлаш комиссияси томонидан кўриб чиқилмайди.

## **2. Танлаш валютаси**

2.1. Танлаш таклифлари сўмда (мисол учун: Ўзбекистон Республикаси миллий валютаси сўмда) тақдим этилади.

## **3. Етказиб бериш шартлари ва муддати**

3.1. Маҳсулотларни етказиб бериш, хизматларни кўрсатиш ва ишларни бажариш муддати ун кун деб белгиланади.

## **4. Молиялаштириш шартлари ва жадвали**

4.1 Олдиндан тўлов конун хужжатларида кўрсатилган тартибда амалга оширилади.

## **5. Шартномани молиялаштириш манбай**

5.1. Бюджет маблаглари ҳисобидан

Маҳсулотни етказиб бериш (хизмат кўрсатиш, иш бажариш) бўйича тузилган Шартнома конунчилик хужжатлари – Ўзбекистон Республикаси Фуқаролик кодекси, «Хўжалик юритувчи субъектлар фаолиятининг шартномавий – ҳуқуқий базаси тўғрисида”ги Ўзбекистон Республикаси қонунига мос бўлиши лозим.